

## LE SERMENT

DE LA SAINCTE

Vnion , pour la conseruation  
de la religion Catholique, &  
de l'Estat.

A PARIS,


Par Rolin THIERRY, rue des Anglois  
pres la place Maubert.

---

M. D. LXXXIX.

HERMENEUTICS

OF THE  
UNION  
OF THE  
CHURCHES



THE ROBIN T. ...  
PUBLISHED BY ...

M. D. C. C. C. C.



**L E S E R M E N T D E**  
*la sainte Vnion, pour la conser-*  
*uation de la religion Catholique,*  
*& de l'Estat.*

Extraict des Registres de  
 Parlement.

**E** iour toutes les Cham-  
 bres assemblees en la  
 presence des Princes,  
 Pair de France, Prelats, Mai-  
 stres des Requestes, Aduocats,  
 & Procureurs generaux, Gref-  
 fiers & Notaires du Parlement,  
 au nombre de six vingts fix.  
 A esté leuë la declaration ou  
 forme de serment, pour l'entre-  
 tenement de l'Vnion qui fut hier

arrestee : laquelle tous lesdicts  
 Sieurs ont iuree sur le tableau, &  
 signee, & aucuns de leur sang.  
 Ensuit la teneur de ladite Decla-  
 ration.

Nous soubs-signez Presidens,  
 Prince, Pair de France, Prelats,  
 Maistre des Requestes, Conseil-  
 lers, Aduocats, & Procureurs ge-  
 neraux, Greffiers & Notaires de  
 la Court de Parlement, Iurons &  
 promettons à Dieu, sa glorieuse  
 Mere, Anges, Saints & Saintes  
 de Paradis. Viure & mourir en la  
 Religion Catholique, Apostoli-  
 que, & Romaine: Employer nos  
 vies, & biens, pour la conserua-  
 tion & accroissement d'icelle, sans  
 y rien espargner, iusques à la der-  
 niere goutte de nostre sang, espe-  
 rant que Dieu seul scrutateur de



nos cœurs & volonte, nous assistera en vne si sainte entreprise & resolution, en laquelle nous protestōs n'auoir autre but que la manutention & exaltation de son saint Nom, defense & protection de son Eglise, à l'encontre de ceux qui ouuertement, ou par moyens occultes se sont efforcez ou efforceront l'ancantir & maintenir l'heresie en ce Royaume.

Iurons aussi, d'entendre de tout nostre pouuoir & puissance à la garde & conseruation de ceste ville de Paris, establissement d'vn repos assseuré en icelle, & des autres villes & cōmunautéz vnies à la descharge & soulagement du pauvre peuple.

Iurons pareillement, & pro-

mettons de defendre & conser-  
uer enuers & cōtre tous , sans au-  
cun excepter, & sans respect d'au-  
cune dignité , ou qualité de per-  
sonnes, les Princes, Prelats, Sei-  
gneurs, Gétils-hommes habitās  
de ceste ville, & autres qui sont  
vnis ou s'vniront cy apres, pour  
vn si bon & sainct subject: Main-  
tenir les Priuileges & libertez des  
trois Ordres & Estats de ce Roy-  
aume, & ne permettre qu'il leur  
soit fait aucun tort en leurs per-  
sonnes & biens, & resister de tou-  
tes nos puissances, à l'effort & in-  
tention de ceux qui ont violé la  
foy publique, rōpu l'Edict d'V-  
nion, franchises & libertez des  
Estats de ce Royaume, par les  
massacres & emprisonnemens  
commis en la ville de Blois, les

xxiiij. & xxiiij. Decēbre dernier,  
& en pourfuiure la Iustice par  
toutes voyes, tant contre les au-  
teurs coupables & adherēs que  
ceux qui les assisteront, ou fauo-  
riferōt cy apres. Et generallyment  
promettons ne nous abandon-  
ner iamais les vns les autres, &  
n'entendre à aucun traitté, sinon  
d'un commun consentement de  
tous lesdits Princes, Prelats, villes  
& communautez vnies. En tes-  
moing dequoy nous auōs signé  
de nostre propre main la presen-  
te declaration. Fait en Parlemēt,  
le xxvj. iour de Ianuier l'an mil  
cinq cens quatre vingt & neuf.

Signé, . DV-TILLET.

